

古田縣志卷之三十七

雜錄

事有近於奇異而果報一如歷歷可證者紀之雖無關正則究亦雅士塵談之助也是以攷西京逸事慨慕維殷述天寶遺聞流連忘倦况聖人以神道設教民義盡而靈感斯通秉彝喪而冥譴不爽父老傳聞所播其足以悚人修省者不無小補可弗記歟卽彼書同志怪說等懸河先輩猶喜而錄之纂雜錄

古邑初建時有余煥者道經杉洋樂其山川土田卜築居之數傳後有名褐者爲吏部尙書銀青光祿大夫致政歸割其所居四之一入仙巖山卽今禪林寺也公歿於太平興國四年歿之後

古田縣志

卷之三十七

雜錄

一

能動靈嚮寺僧奉爲伽藍神禱輒應焉其子孫因避亂遷於莆又遷韶州宋襄國公靖藍其後云

邵清投簪口里築室於館崎先塋之側林木茂叢有怪憑焉清一夕見之讀書神色自若怪亦隨滅人問之清曰正可勝邪未有邪而可害正也

余德成幼資鈍稍長每悲泣其不慧一日遇道士顧謂之曰小兒何泣之悲也曰從師學不明故泣道士撫其頂曰今去不煩於師矣隨失道士所在見漁於溪者遂口占云石頭打魚兒魚兒水上浮更將青草串別向一灘求自此聰明日益

洪武初縣撤城隍廟將改創焉移神像於外知縣鄧恭晝寢忽夢

一神冠冕而前曰無宮室何以處我覺而異之以語左右答曰城隍神拓主劉侯也恭隨往視其像一如夢中所見遂虔誠送像於雲津坊舊廟以奉祀焉

縣城隍廟神水旱疾疫禱者輒應明萬歷癸卯夏苦旱禾幾槁縣令王繼祀省城送考浹旬回先時有巫師以左道祈雨積日不能得王令悉遣去次早具祝文躬禱於神須臾雷雨滂沱槁苗頓蘇又本年山鄉多虎而黃田爲甚王令患之作檄文禱於神并禱黃田拏公廟是夜夢有縛虎者自是境內虎患息神之靈異蓋屢著云

五華山亦名午山宋季北兵至閩人民避兵其中有姓陸者忽見

古田縣志

卷之三十七

雜錄

二

青衣童子蓬跣騎牛謂陸曰北兵明日且入山不宜處此陸叱之童子忽失去明日兵果登山始知山真有神仙居焉

幽巖寺千人麵床蔡君謨作帥因聖節遣人舁置使廚久之院僧禱伽藍神一夕公獨坐便齋神聲諾而不見形問何人神對幽巖每歲恃春會以瞻衆願請麵床以歸公領之明日公庫失麵
□令問幽巖果以還院莫不異之

靈應廟蓋宋時李令堪祠也公爲令時好游大吉極樂諸寺嘗曰我死當棲神是山一日極樂寺僧忽聞侯車馬導從之聲趨迎則烏有矣次日侯亡僧神其事私祀焉

顯應廟其神曰黃帥孟家世巫宋景德間歿殯於竹洲遂墳焉前

有二竹自能掃墳號竹仙云

文昌宮在北臺山下明萬歷間劉令曰暘所營也先是祠成欲刻像鮮良木忽夜雨飄巨樟於溪前邑人走白丞李元若令致祠下遂像焉

龍亭滌大浪港中有龍藏魚之被人毒者至其所仍復能生乃鑄放生池於石明萬歷間建立龍淵宮

五帝廟明萬歷間主簿張國相奉其香火時僅裝小像踰數年簿金應箕夢譴其守宿役之慢神者隨擇地西來廟左是時有老尼住廟亦夢有五人來鬻地址有朱姓者捨其田園而建廟丞廳事前有大梓木鬱葱如蓋枝幹扶疏嘗傳前丞有客役煮犬

古田縣志

卷之三十七

雜錄

三

肉其下遂致枯落後設禱乃復榮茂

古田有喬松松下祠神曰林九姑樹因高大而柯九出曰九姑者亦託名耳禱者響應毛秉義自福清來貧不能歸求濟於神或謔之曰汝償神貸汝義曰可卽書券置案上翌日松枝上有羅綃裹懸金九十義大喜過望回家數年息十倍饒裕矣而忘償姑忽一日至其家索取無形有聲飲食如生人義但盛供且爲枝詞軟語而無償意姑曰不償吾金恐貽禍在汝子□有子九歲卽潛匿之師家毋戒出姑曰兒安所匿顧兒無罪也吾但焚而居義復戒室人甚爲之備數日火起義有叔曰孔墀亦在坐救火姑曰相公貴人也公家安得有負義人如義者曾不念資

自何來而久負至是素義不與吾欲奪其所有還其所本無耳
自是義貧如洗孔墀成嘉靖庚午進士官戶部主事
五華山劉真人拓基也三造均州福地登武當山謁北帝宮思奉
香火還山折山後桂枝負香火歸歸卽以桂枝插於中庭之前
祝曰吾業能就則此枯枝亦復能活旣而桂枝榮馥歷宋季以
至今日撐拏如蓋金粟生實爲叢林一勝果云
彌勒寺已廢有僧明慧者稍復棟宇適閱武廳未就鄉民嫌其妨
於民居欲因之以寺入於官前令張諭李丞重其役中途羣鴉
翔其前踰時不散丞駭其事遂不復至寺賴以全

藍文卿字汝弼豪邁富家貲有子八人唐咸通中有僧眞覺者與

古田縣志

卷之三十七

雜錄

四

其衆十三人造門求一駐錫處卽指池畔枯木下草菴使居之
踰年雲衲奔轅屋宇狹不能容徙黃平莊以田二千五百八十
五種收米萬一百碩有奇住屋亭榭三百餘欄米倉三十所田
庄十二所牛三百六十口施之請於忠懿王則故居建寺額曰
雪峯次子守遠生有夙根卽其寺祝髮焉乾符二年忠懿王上
其事僖宗封眞覺大師仍封檀越藍文卿爲威武軍節度使三
年再施田庄貲爲之罄眞覺指一牛囑曰長者自有福地第乘
之視所憩處至藍洞而牛化爲石遂家焉今十七都富達村也
除地築室闢菜爲田今石牛尙存前人有詩模糊不可辨亦古
蹟之一也有十名勝曰天漢巖臺鼎峯半月墩三台崗七星埕

石牛坵鶴鳴泉金鷄石丹穴碧山八景曰竹塢迷樓月灘夜釣
曲澗流鳧銅谷飛雲龜林弈暑岑嶺遠眺石亭醉日南寨曝雪
宋朱文公撰藍洞白鹿洞并序明葉文忠重修雪峯寺疏稱長
者視世界如夢幻泡影盡施累鉅萬之田宅赤身以去歷八百
餘載子孫之聚族古田者振振繩繩與雪峯相終始其所得福
報視累鉅萬之田宅爲何如也雖然後來福報長者初志豈意
料到此哉身外之物原非我有隨其意之所之百千萬億如逝
水浮雲毫無繫戀推斯志也卽以講求施濟之學可也

五通閣在困關之左右石壁巖巖下有一洞舊時逐年七八月間多
起怪風人襲其風者輒斃舟衝其風者輒覆且洞中一巨魚時
古田縣志
卷之三十七
雜錄
五
浮水面食岸上人影影被其吞者人隨爲之墜明初架閣於其
上患遂息

須彌山在邑之十三都絕頂處矚及閩山五虎猶跼伏耳宋時爲
馬仙所駐跡庵內鐵鼎千觔忽夜半飛而立於山半鐘鼓悉自
鳴時有僧源寶者卽鼎所卓之處募建一寺此明初事也山左
有瀑布崖懸練十數丈攷之舊志不載且併此都之菴宇靈蹟
如澹竹菴荷空菴而俱闕焉箬溪在邑之二十一都舊有東峯
寺已廢基在叢莽中明萬歷間邑人張泗鈞隱其處鄉人每稱
此地有白鹿諸子聞而尋之果見白鹿濯濯然廁於羣鹿之中
且與人狎而馴卽於其處草結一石室名曰白鹿洞與子讀易

其中泗卒白鹿亦尋無故而斃

譙樓高四丈八尺明萬歷嘉靖間令張令儀裁減其半所毀枋拱皆有火字由是火患日熾衆咸咎焉劉曰暘以火爲災非關樓也屏牆外觀音閣棖桷稜穉南門外橋亭直衝皆類火象折閣毀橋屏牆闢之使闕城外蔽以高垣上題玉田舊境自是回祿遂息

極樂寺三奇西廊銅鐘俗傳聲聞三百里宋朝有旨鋸其脣三寸又法堂扁紹興間被劇寇猶存箭鏃又藏殿雕龍傳昔遇風雨化飛去章孝彥詩云廊鐘默訴亡脣恨堂扁猶存箭鏃機假榻客忻春雨霽倚欄僧看暮雲飛禪關未晚門先閉似恐雕龍去

古田縣志

卷之三十七

雜錄

六

復歸

塔嶺庵祀藥王前有石珠一員明嘉靖中寅延郡司理徐珪往署甯州事謁祠下心頗自異未幾疾作夢與神款接翌日遂愈得代歸萬歷間齏司貳金吾蕭敏道復有石珠小引云余甫結髮應試夜夢人持一石員如珠大二尺許授予命吞之既寤腹微瀕語於人異之閱今蓋二十年矣余以守徽無似謫分司一日過塔嶺謁鄭真人祠見巨石列香几上如疇昔夢中所吞者詢厥從來守庵者對曰辛巳之夏溪水暴漲流移溪畔若珠轉旋人異之昇至祠中噫以是驗疇昔之夢果異哉攷盧生傳晝夢出入將相四十餘年旣覺炊黃粱者未熟則予之生平履歷升

沉得失徵之石皆夢之夢也莊生之蝶蓋近此矣彼以榮辱爲欣戚者是夢而不寤者也奚足以語此余因以石珠名庵勒石不朽雖然是石也昔人煉之可以補造化搗之可以成金丹真人以醫顯於世能推搗煉之術而擴普濟之心則上可醫國下可醫民磐石之安神其佑之哉又詩平生獨愛禪林靜來到山中意自幽方外儘多閒白日人間只此覓丹邱澗泉瀑散千峯雨巖樹風生五月秋坐看石珠還是夢功名何用歎淹留蕭後遷福郡太守神之示異豈偶然哉

羅蘖山幼時母抱往田中匍匐坐碓臼上杵一動立粉齏矣杵懸空中若有神搯之者倭寇薄城時劫掠鄉村見水碓懵然不知

古田縣志

卷之三十七

雜錄

七

坐碓臼中爲碓杵舂死

羅華魏姓某世祖生而鼻頰其裔稱紅鼻公家中貲一夕獨坐齋中有鬼白之曰公福人也吾當爲蒼頭自是不離左右一惟公之頤指氣使他人不能見也公所畜馬嘗逸人田主者鞭之鬼亦還鞭其股主者愕眙莫知誰何一日鬼忽不在意自此去矣無何復至詢焉往蓋爲致省外骨董供兒童戲玩也訖公卒鬼始絕跡

明季寇掠善德院巖洞前恍惚有旗幟狀賊知爲神不敢犯鄉氏擬以爲羅邑石氏二烈女因賊迫投巖死英靈不泯疑守斯洞者卽此神今尙呼雙烈娘娘洞

莊琳任粵東徐文主簿明季棄官歸歸途遇一人髡首跣足問姓字曰陶陶與琳夙契載與俱歸遊翠屏山指一吉地琳請以葬其親曰此夫人佳城也後劉若金妻葬此衆皆嗤其妄數年劉官司寇說乃驗鄉有狐崇能人言爲治之崇絕與人預言休咎雨暘應如嚮踪跡不常或歌或泣一日忽辭去衆奔追莫及著書甚富多風雷水火機祥變異之屬今多散失

城隍廟有丐者日行丐夜讀書氣質不凡里人心異之叩其姓字不答中夜常聞慟哭殆雪菴葛衣之流亞歟

陳鴻振在東華庄發粟有一人貿貿求借衆呵之振素不識面然念其急也周二石不立券後山寇四起振於彌勒林被寇擁劫

古田縣志

勒餉閉其目而與之行日數十里中一盜卽前受粟者見而愧之曰此吾恩人也醉守者引與俱亡

黃尊姑殉烈後父龍夢女偕其婿來婿戎裝若大帥從者皆佩弓刀覺而疑其女或他適夫人陳曰女必不至是女嘗言古田屢有寇警兒此去安常處順或可再見父母否則有一死耳數日訃至父未稔婿何狀問其姪曰微麻身中修眉恰如所夢但以婿文士何戎服爲不知尊姑生而節烈歿爲明神女神婿亦神耳大帥戎服何疑焉

陳夫人節烈黃尊姑之繼母九男三女酷愛尊姑欽其節也妾與尊姑弈持劫不已陳退而諭之曰與小姐弈當使之勝而喜後

凡與弈者莫不自敗蓋所以慰悅其意多類此人皆稱節烈之賢而不知其母亦賢母也

蘇州志載余與可本古田人來岷山嘗後於李氏子曰強初亦姓李既長詢知乃復姓余嘗欲徒步歸鄉里省先世墳墓而不可得也殷奎爲志其墓與可號藍溪先生曰強號淵默先生

邑人林九妹於康熙初應曳纜之役督工者鞭碎其耳九妹束狀於髮涉江呼主者察其情爲詳免今黃田各都得免養贍諸差九妹力也

何武進九都人以九頭柑事繫獄有吳君昌者仗義上控至爲丐而不悔主者具詳得免君昌等立牌於衙前今存

古田縣志

卷之三十七

雜錄

九

魏浣溪祠有匾愛敬二字併一聯朱文公手筆也或以鬻於市庠生藍湄得之懸書館爲寶玩數月厄於火

陳敏收父任爲古田諭卒於官因家焉敏政隸籍古田縣學成進士官終南康太守卒葬古田其女名德懿善詩著述甚富嘗行古田山中見邑人以竹引泉詩云行盡山溪路渺茫幾家茅屋對斜陽引泉竹溜穿廚入墜粉松花繞舍香樵逕無人間臥犢石田有雨漸分秧平生頗負山林癖欲向溪邊結草堂

水口建白雲寺建後每夜聞鷄聲或現形其色金碧見者尾其後遽入石下尋之無迹矣寺前有小潭每大水有大鰐躍起大如斗一日雷電晦冥山水暴漲從潭左拏公廟掣去又一夕有火

星墜澗中光芒經月不散久之乃與石色無異澗中有朱蟹見之只在目前捉之則遽失所在疑神物也

玉田生竹實生屢矣實類斨春之可爲飯亦可作釀竹生實遂枯實入地仍復生竹然唯所云豁竹者能生餘竹不爾也

朱子避地玉田時韓侂胄遣人跡其後將甘心焉是人寧自刎死不肯穀道學以媚權奸邑人祀於溪山書院前卽今之太保廟也

宋時永福鄭僑紹興中知福州減古田重稅明唐均華亭人也成化間知福州以水口三山二驛費浩繁爲哀小箬白沙羨銀足之譚綸宜黃人嘉靖時督撫福建嘗遣偏師擊古田山諸寇悉

古田縣志

卷之三十七

雜錄

一〇

平此皆有功於邑者

國朝邑令陳瓚慈惠清介巡撫梅鎬特疏薦舉不次超擢後亦撫閩此乃休休大臣也紀爲千古美談

明邑民孟賢永樂十五年建侯官飛坑橋併構亭其上正德間邑人許文經等於水口街修理路一百五十八丈行者便之大方伯羅榮爲記此皆義舉也附紀以勸後

蘇大璋爲南宮第一人而蘇士穆亦登進士省志云省元大璋子縣署乃其舊居故土地祠木主上刻曰秘書蘇公之神至今祀爲地主貫則讓宅爲署事乃大璋弟大瑛

玉田風雅芬人齒頰久矣爲藝文錄所未及載者特再爲補遺於

下范得仁游釣臺徵賢不愛漢家官清自耕漁尙隱安細草夾
沙新眼界垂楊着水舊波瀾空遺古木猿聲響惟有莓磯月色
寒曾向先生台上望客船二月泊桐灘黃中春盡東知己詩三
月春光欲盡時石榴花發小橫枝獨憐此地無車馬花落花開
人未知周世椿春游詩黃金柳色嫩初齊載酒尋芳過小溪聞
說山中無甲子春來惟聽鷓鴣啼過隋廢宮詩繫馬垂楊強自
過牙檣錦纜舊山河一從帝業隨流水贏得宮前夕照多

施松齡過金陵詩秣陵天險壯神州四望河山次第收牛□遠將
天闕向石頭雄視大江浮霜寒更聽桓伊笛日暮還登孫楚樓
一路北征堪醉詠六朝南土最風流度楊子江詩晴煙漠漠水

古田縣志

卷之三十七

雜錄

一一

冷冷鼓角聲沈鐵甕城萬里江濤秋色遠一天海日早潮平山
多遙認南朝寺地險常屯北府兵兩點金焦勞眼望登臨不盡
古今情翁文達之農父吟農夫終歲未得閒十畝爲田一田圃
老妻饁餉且採蔬兒啼抱向田頭哺哺兒兒長代汝□瞬息只
如朝與暮李生春之採蓮辭采蓮蓮未開青錢水面堆問儂空
手返見運來未晚儂是掌花仙愛花不愛錢見錢不見蓮儂心
大不然采蓮摘蓮子采來喚郎覩郎說心已甘儂道心更苦試
看埋入土年年心不死采蓮須得藕哄郎吞入口七竅化郎心
千絲在儂手絲牽心不走何必別尋藕或沈雄或清麗皆娓娓
可諷點綴志末恐其久而湮沒也

余惕齊先生家素貧未第時訂兩友人於某夜二更許同詣邑一保城隍廟祈夢以卜將來顯晦並預約在廟旁盧孝子坊相候詎兩人某某欺其貧先時已詣廟內先生初猶不知謹於是坊俟之俄而身倦忽入黑甜鄉夢一使者攜名刺跪請曰敝上肅大人入見云云驚而覺四顧寂無人影夜已三鼓矣悄然而歸後登第官至順天府尹始悟前之所夢神早示其貴也親書一匾額以誌神庥曰寢成孔安今尙在

謝神童祖墓在大東鄉杉洋村白溪地方墓前三十六重橫案墓後七十二箇尖峯神童誕生奇異聰敏不凡詠新月詩云初出如鉤未上弦黯然寄在碧雲前時人莫道蛾眉小十五團圓照

古田縣志

卷之三十七

雜錄

一二

滿天釀成詩獄冤哉載在嶺裏村謝姓族譜

大東鄉四一都坑頭村富戶鄒福備崇建七晝夜清福延名僧善士在家齋醮設功德壇場所香花菓品備極清潔事畢聞空中語云清則清矣可惜都在裙下布經過蓋因幡布原擬以製裙也又設第二次道場復聞空中語云尙未盡清淨遂第三次重新啓建壇中所用物加倍認真清潔詎三醮後全家疫死成爲伯有之門距該鄉數十里村人途遇見其舉家遷徙之狀詢之謂赴某縣接城隍任也特囑村人回鄉取匙開其門反轉土礮三匝村人如命而行忽鄒屋發火焚燒或謂鄒某旣爲神塵物亦同歸於化云

四一都梯裏村明時有吳某知古田縣失其名祖墓在大東鄉前洋村佛宮一日該墓突然被人盜開壙內有紅鰍魚初視能活旋即死聞吳知縣家因事抄沒即開墓時也現梯裏村路口有石坊基座花石精緻即吳墓舊址云

四一都西洋村馬坂余姓開基祖有余澈者耕鑿餘生行誼篤摯年六十餘無子汗積數百金攜依女婿家若將終身焉一日聞外孫喚公公吃飯澈以爲喚已也應曰諾外孫曰我喚我公公也澈乃懊悔欲臨老謀娶以求自己嗣續適過溪邊遇一浣女進前問曰六十年穀種能發芽否女答云老伯倘善藏得法自有生氣可成佳種遂託媒即娶浣女爲妻連生四子清淡涑湑

古田縣志

卷之三十七

雜錄

一三

傳裔至今子孫昌盛亦陰德食報云

邑西鄉吉兆村范魯鍾操農業忽病重延醫診之輒稱不治時官江村邑增生陳珩如自羅峯村魏某豕教讀假歸鍾家人知珩如精於醫踵門求診珩如聞鍾病已不治不欲往固請之乃往就視其病果入膏肓姑擬一方囑俟明早服之蓋料鍾是夜必死毋使服己方而啓外識也次早珩如詢藥肆知鍾已故且言鍾乃服己方不起珩如無以自明索然復往羅峯村越年魏某家有喜慶鍾亦與有連往賀時近黃昏珩如下樓甫至廊恍惚見有身穿短褐一人者狀類鍾揣此人已死何復至此莫非鬼耶遽疾奔上樓鍵其尸鍾尾之急搥門珩如曰汝病應死非我

誤也與汝何言速去毋擾鍾始白曰吾實未死今晤先生正欲告曩病之離奇者乃述向病篤時不知身死只見有二隸突以鐵索繫其項噤不能言任繫而去兩耳似聞人呼猪聲未審卽家人號哭也所經路均在平原迂迴未至前山橋始少憩鍾乘間問何故被逮二隸出牒使觀之鍾不識字但見牒內有紅勾紅點而已不知是誰姓名再詰之二隸曰官命我逮魯恭汝非恭乎鍾乃起斥曰我魯鍾爾誤矣二隸相顧愕眙謂鍾曰汝歸乎鍾曰吾剛行地已茫然曷送還意欲給至家卒家人毆以洩憤二隸從之甫至門見有治薄櫬一具油灰亦狼籍門外舉足踢二隸隸亦杳無踪跡是時鍾死已一日將入殮家人見床

古田縣志

卷之三十七

雜錄

一四

上屍脚上跳駭極鍾亦微蘇唯極委頓家人進以湯水神息稍定是夜其家將奠品移作賀宴數日後隣村蓮橋魯恭自外返果無病突死田坂此清光緒二十五年事也

十五都暘谷村有龍亭廟祀眞武其廟門左壁畫一龍右畫一虎富達經魁藍志仁與村人藍盛蘭經其處志仁詠龍詩云此地誰將筆墨揮畫龍遺迹未全非知他夙具興雲志得雨終當破壁飛已覘具抱負非凡將來必掇料名盛蘭詠虎詩云類狗從來笑不成此人畫筆儼如生惜他未展咆哮志莫向山中震數聲盛蘭後果終身不第改業歸田

邑西鄉七保村乾隆間貢生鄭瑞璠富甲一方時名聞遠近家畜

二鹿角懸銀牌鹿甚馴常放山林自知往返如遲歸必聽瑞璠呼聲乃返人以爲異

邑一保陳清淋性游蕩與某甲婦私母鄭氏責之反被毆一日迫貨父業以悅甲婦母不允淋復肆屠毆時負傷之次欲鳴官並遍訴所親適古田年例古歷元月十六日香山境善姓舁城隍神出巡城廂至大街鄭氏與遇乃跪伏號訴其子忤逆不孝狀乞冥責俄清淋突昏暈倒地不省人事少時復蘇續往某甲婦家迄夜分大發狂次早扶歸自嚙兩拳及指爪遂暴亡

翁文午富達村人也性忤逆不孝家畜一牛憤怒時輒笞責其母芻養母唯唯不敢辭但飼牛之次常向該牛而泣曰我日日飼

古田縣志

卷之三十七

雜錄

一五

汝吾子如此忤逆不孝是吾仇也牛乎牛乎汝不能爲吾報仇乎一日春田文午正擬驅牛而往牛暴怒以兩角觸刺之文午中刺而死

泮洋村張某星命糊口夫婦年老僅遺一子其生爲娶媳頗鍾愛之張某故後其生因愛生驕屢詈毆其母一夕其生妻某氏廳事中忽見有大黑丸由空中而下投入室內亟攜竹具擊之化一巨人高二丈許中擊折爲兩橛俄復成一大黑丸滾地而出數日後其母因嘗其生夫婦所食物當被奪下母恚縊死其生夫婦亦於七日內不知何病遽同夕暴亡